



XALQ DEPUTATLARI YAKKABOG' TUMAN KENGASHI Q A R O R I

2022 - yil 30 - dekabr

VI-46-152-4-68-K/22

Yakkabog' tuman hokimligi

Yakkabog' tumanining 2023-yilgi mahalliy budjetini tasdiqlash to‘g‘risida

O‘zbekiston Respublikasi Budjet kodeksining 99-moddasi, O‘zbekiston Respublikasi Oliy Majlisi Qonunchilik palatasi tomonidan 2022-yil 22-dekabr va O‘zbekiston Respublikasi Oliy Majlis Senati tomonidan 2022-yil 27-dekabr kuni qabul qilingan, O‘zbekiston Respublikasining 2022-yil 29-dekabrdagi ""2022-yil uchun O‘zbekiston Respublikasining Davlat budjeti to‘g‘risida"gi O‘zbekiston Respublikasi Qonuniga o‘zgartishlar kiritish haqida"gi O‘RQ-811-sonli Qonuni hamda O‘zbekiston Respublikasi Moliya vazirligining 2022-yil 29-dekabrdagi 01/20-32/1021-son xatini inobaga olib, O‘zbekiston Respublikasining "Mahalliy davlat hokimiyati to‘g‘risida"gi Qonunning 6 va 24 moddalariga asosan Xalq deputatlari Yakkabog' tuman Kengashi,

Q A R O R Q I L D I :

1. O‘zbekiston Respublikasining 2022-yil 29-dekabrdagi ""2022-yil uchun O‘zbekiston Respublikasining Davlat budjeti to‘g‘risida"gi O‘zbekiston Respublikasi Qonuniga o‘zgartishlar kiritish haqida"gi O‘RQ-811-sonli Qonuni, O‘zbekiston Respublikasi Moliya vazirligining 2022-yil 29-dekabrdagi 01/20-32/1021-son xati va Xalq deputatlari Qashqadaryo viloyat Kengashining 2022-yil 30-dekabrdagi "Qashqadaryo viloyatining 2023-yilgi mahalliy byudjetini tasdiqlash to‘g‘risida"gi VI-56-217-4-0-K/22-sonli qarori ijro va rahbarlik uchun qabul qilinsin.

2. O‘zbekiston Respublikasining 2022-yil 29-dekabrdagi ""2022-yil uchun O‘zbekiston Respublikasining Davlat budjeti to‘g‘risida"gi O‘zbekiston Respublikasi Qonuniga o‘zgartishlar kiritish haqida"gi O‘RQ-811-sonli

Qonuniniga muvofiq, Yakkabog‘ tuman mahalliy budgetining 2023-yil uchun daromadlari 146 mlrd. so‘m, xarajatlari 306 mlrd. 310 mln. 345 ming so‘m prognoz qilinganligi hamda viloyat budgetidan ajratiladigan tartibga soluvchi budgetlararo transfertlar 160 mlrd. 310 mln. 345 ming so‘m miqdorida tasdiqlanganligi ma’lumot uchun qabul qilinsin.

3. 2023-yil uchun Yakkabog‘ tumanini rivojlantirishning asosiy makroiqtisodiy ko‘rsatkichlari prognozi hamda 2024-2025 yillarga maqsadli mo‘ljallari 1-ilovaga muvofiq, 2023-yil uchun tuman mahalliy budgeti daromadlari prognozi 2-ilovaga muvofiq ma’lumot uchun qabul qilinsin.

4. 2023-yil uchun tuman mahalliy budgeti mablag‘larini taqsimlovchilarga ajratiladigan mablag‘larning cheklangan miqdorlari 3-ilovaga muvofiq tasdiqlansin.

5. 2023-yil uchun tuman mahalliy budgetiga umum davlat soliqlaridan ajratmalar normativlari 4-ilovaga muvofiq tasdiqlansin.

Bunda, ajratmalar normativlari bo‘yicha viloyat mahalliy budgeti bilan tuman mahalliy budgetining taqsimotini o‘rnatilgan tartibda Qashqadaryo viloyati bo‘yicha g‘aznachilik boshqarmasi tomonidan amalga oshirilishi belgilab qo‘yilsin.

6. 2023-yil uchun tuman mahalliy budgetining daromadlari va xarajatlarining prognozi 5-ilovaga muvofiq ma’lumot uchun qabul qilinsin.

7. 2023-yil uchun viloyat budgetidan tuman mahalliy budgetiga ajratiladigan tartibga soluvchi budgetlararo transfertlar miqdorlari 6-ilovaga muvofiq tasdiqlansin.

Bunda, tartibga soluvchi budgetlararo transfertlar miqdorini tumanlar va shaharlar mahalliy budgetlari daromadlari prognozi ijrosidan qat’iy nazar kamaytirishga yo‘l qo‘yilmasligi Qonunda belgilab qo‘yilganligi ma’lumot uchun qabul qilinsin.

8. 2023-yil uchun tuman mahalliy budgetining tuman budgeti zahira jamg‘armasi hajmi 2 mlrd. 889 mln. 835 ming so‘m miqdorida belgilansin.

Tuman mahalliy budgetining 2023-yil uchun zaxira jamg‘armasi tasdiqlangan umumiylarining kamida 1,0 foizi miqdorida shakllantirilsin.

Viloyat budgetidan tuman mahalliy budgetini ijro etishda ajratiladigan

budgetlararo transfertlarning prognozidan oshgan qismi uchun zaxira jamg‘armasi miqdoriga aniqlashtirish kiritilmasligi inobatga olinsin.

9. 2023-yil uchun tuman mahalliy budgeti shaxsiy g‘azna hisobvarag‘ida turgan budget mablag‘larining yo‘l qo‘yiladigan eng kam miqdori 7-ilovaga muvofiq belgilansin.

10. O‘zbekiston Respublikasining mazkur Qonuni bilan 2023-yilda xalq deputatlari tuman Kengashi mahalliy budgetni boshqarishda, xususan mahalliy budget xarajatlarini budget mablag‘lari taqsimlovchilar kesimida tasdiqlash va ularning Kengash oldidagi hisobdorligini belgilash bo‘yicha vakolatlari kengaytirilganligi inobatga olinsin.

Shuningdek, 2023 yilda quyidagi soliq turlari:

a) tuman budgetiga to‘liq hajmda o‘tkaziladi:

jismoniy shaxslardan olinadigan daromad solig‘i;

yakuniy iste’molchilarga benzin, dizel yoqilg‘isi va gaz realizatsiya qilishdagi aksiz solig‘i;

yuridik shaxslarning mol-mulkiga solinadigan soliq;

yuridik shaxslar yer solig‘i;

davlat unitar korxonalarining sof foydasidan ajratma;

davlat mulki bo‘yicha ijara to‘lovleri;

jismoniy shaxslardan olinadigan mol-mulk solig‘i;

jismoniy shaxslardan olinadigan yer solig‘i;

jismoniy shaxslarga tegishli mol-mulkni ijaraga berishdan oladigan yillik daromadi to‘g‘risidagi deklaratsiyaga asosan to‘laydigan, shuningdek yakka tartibdagi tadbirkorlar to‘laydigan jismoniy shaxslardan olinadigan daromad solig‘i;

aylanmadan olinadigan soliq;

qonunchilikda belgilangan miqdorlarda O‘zbekiston Respublikasining Davlat budgetiga undiriladigan boshqa yig‘imlar (bojxona organlari tomonidan undiriladigan yig‘imlardan, g‘ildirakli transport vositalari, o‘ziyurar mashinalar va ularning tirkamalari uchun undiriladigan utilizatsiya yig‘imidan, shuningdek

avtotransport vositalari oynalarining tusini o‘zgartirishga (qoraytirishga) ruxsatnoma berish uchun to‘lovdan tashqari);

suv resurslaridan foydalanganlik uchun soliq, bundan elektr stansiyalari tomonidan to‘lanadigan soliq mustasno;

ayrim turdag'i tovarlarning chakana savdosiga doir huquq uchun yig‘imlar; qurilish materiallari bo‘yicha yer qa’ridan foydalanganlik uchun soliq.

Mobil aloqa xizmatlari uchun aksiz solig‘i va alkogol maxsulotlari, shu jumladan pivo uchun aksiz solig‘idan tushumlar 2022-yil 1-iyul holatiga ko‘ra tuman aholisining viloyat aholisidagi ulushiga muvofiq hisob-kitob qilinishi ma’lumot uchun qabul qilinsin.

b) Qashqadaryo viloyatining viloyat budgeti daromadlari viloyat mahalliy budgetiga to‘liq hajmda o‘tkaziladi:

elektr stansiyalari tomonidan to‘lanadigan suv resurslaridan foydalanganlik uchun soliq;

qonunchilikda belgilangan miqdorlardagi davlat bojlari (patent bojlaridan va litsenziyalar bergenlik uchun davlat bojlaridan tashqari);

qonunchilikda belgilangan miqdorlarda O‘zbekiston Respublikasining Davlat budgetiga undiriladigan jarimalar;

qonunchilikda belgilangan miqdorlarda davlat daromadiga o‘tkazilgan mol-mulkni realizatsiya qilishdan tushgan tushumlar, mahalliy davlat hokimiyati organlarining ulushi bo‘yicha dividendlar (daromadlar) va ajratmalar;

davlat aktivlarini joylashtirishdan, foydalanishga (ijaraga) berishdan va sotishdan qonunchilikda belgilangan normativlar bo‘yicha olingan daromadlar;

xususiy lashtirishdan tushgan tushumlar va boshqa soliqlar.

11. O‘zbekiston Respublikasi Prezidentining “Jamoatchilik fikri asosida shakllantiriladigan loyihalarni moliyalashtirish ko‘lamini kengaytirish chora-tadbirlari to‘g‘risida” 2022-yil 25-oktabrdagi PQ-409-son qaroriga asosan 2023-moliya yilidan boshlab:

a) “Obod qishloq” va “Obod mahalla” dasturlari doirasida moliyalashtiriladigan tadbirlar jamoatchilik fikri asosida “Ochiq budget” axborot portali orqali ovoz berish yo‘li bilan aniqlanadi.

Bunda, aholi tomonidan amalga oshirilishi taklif etilayotgan tadbirlar har bir mahalla bo‘yicha bitta loyihibar paketi shaklida ovozga qo‘yilishi;

б) Qoraqalpog‘iston Respublikasi respublika budgeti, viloyatlarning viloyat budgetlari va Toshkent shahrining shahar budgetida shakllangan qo‘shimcha mablag‘larning 30 foizi tuman (shahar)larda jamoatchilik fikri asosida shakllantirilgan tadbirlarni moliyalashtirish uchun tuman (shahar)lar Fuqarolar tashabbusi jamg‘armalariga mavjud aholi soni va mahallalar sonidan kelib chiqib, teng ulushlarda yo‘naltirilishi;

б) tashabbusli budgetlashtirish jarayonlari uchun tuman (shahar) budgetlarining 5 foizi miqdorida, biroq kamida 6 milliard so‘m mablag‘ rejalashtirilishi belgilanganligi;

г) “Obod qishloq” va “Obod mahalla” dasturlarini jamoatchilik fikri asosida tashabbusli budgetlashtirish jarayonlari orqali amalga oshirilishining yangi tartibi ishlab chiqilishi ma’lumot uchun qabul qilinsin.

12. Tuman hokimining moliya – iqtisodiyot va kambag‘allikni qisqartirish masalalari bo‘yicha birinchi o‘rnbosari, iqtisodiy taraqqiyot va kambag‘allikni qisqartirish bo‘limi, tuman hokimligi moliya bo‘limi (Sh.Eshmatov), tuman davlat soliq inspeksiyasi (Sh.Meyliyev) tuman hokimligi va mas’ul bo‘limlar va tashkilotlar bilan birgalikda:

tuman mahalliy budgetini birinchi navbatda ish haqi va unga tenglashtirilgan to‘lovlar, oziq-ovqat va dori-darmon va kommunal xizmatlar xarajatlarining rejalashtirilishini nazarda tutgan holda shakllantirish;

mahalliy budget prognoz ko‘rsatkichlarni o‘z vaqtida va samarali bajarish;

budget mablag‘laridan maqsadli va samarali foydalanish;

budget intizomiga rioya etilishi ustidan nazorat va mas’uliyatni yanada kuchaytirish;

tuman mahalliy budgetiga soliqlar va boshqa majburiy to‘lovlarning to‘liq tushumini ta’minlash;

budget daromadlar bazasini oshirish va qo‘shimcha rezervlarni aniqlash zarurligiga alohida e’tibor qaratsin.

13. Tuman davlat soliq inspeksiyasi (Sh.Meyliyev) O‘zbekiston Respublikasi Soliq Kodeksida belgilangan vakolatlaridan kelib chiqib:

soliqlarning to‘liq va to‘g‘ri hisoblanishini hamda ushbu soliqlarni o‘z vaqtida budjetga undirilishi ustidan soliq nazoratini kuchaytirish;

yer solig‘i, suv resurslaridan foydalanganlik uchun soliq va mol-mulk soliqlari bo‘yicha doimiy tahlillar o‘tkazgan holda, soliqlarni to‘liq hisoblanishini ta’minlash hamda ushbu soliq to‘lovlari bo‘yicha soliq qarzdorligiga yo‘l qo‘ymaslik choralarini ko‘rish;

aylanmadan soliq turi bo‘yicha soliq to‘lovchilar tomonidan naqd pul aylanmalarining soliq hisobotlarida to‘liq aks ettirilishi ustidan doimiy soliq nazoratini o‘rnatish hamda zarur hollarda xronometraj va kameral soliq nazorati tadbirlarini o‘tkazish;

bunda, mazkur yo‘nalishda jamoatchilik nazoratini kuchaytirish maqsadida fuqarolarga xarid chekini talab qilib olishni targ‘ib etuvchi ijtimoiy roliklar hamda video materiallar tayyorlab, ijtimoiy tarmoqlar va ommaviy axborot vositalarida keng targ‘ibot-tashviqot ishlarini olib borishga alohida e’tibor qaratish;

xatlov ishlarini samarali tashkil etish orqali yer va mol-mulk solig‘ining soliq bazasini oshirish;

Kadastr agentligi tuman bo‘limi (U.Turdiyev) bilan birgalikda tumanda mavjud soliq to‘lovchilarning mol-mulkleri maydonlarini chuqur tahlil etgan holda ushbu mol-mulklarga nisbatan soliqlarni to‘liq hisoblanishini ta’minlasin.

14. Tuman davlat soliq inspeksiysi (Sh.Meyliyev), Kon-geologiya faoliyatini nazorat qilish mintaqaviy inspeksiysi hamda tuman hokimligi bilan birgalikda:

noruda qurilish materiallarini qazib olish sohasida noqonuniy faoliyat olib borayotgan karyerlarni aniqlash bo‘yicha xatlovlar o‘tkazish;

xatlov natijalari bo‘yicha aniqlangan noqonuniy faoliyat olib borayotgan karyerlar faoliyatini qonuniylashtirish hamda ularni soliq bazasiga qamrab olish;

noruda qurilish materiallarini qazib olish sohasida faoliyat olib borayotgan karyerlar tomonidan qazib olinayotgan noruda qurilish materiallar hajmining soliq hisobotlarida to‘liq aks ettirilishi ustidan doimiy nazorat o‘rnatsin.

Bunda, ushbu sohada faoliyat olib borayotgan karyerlarning qazib olish hajmlarini doimiy tahlil qilib borish hamda zarur hollarda qazib olish hajmlarini aniqlashda mahalliy budjetning qo‘sishimcha manbalari hisobidan “marksheydrlik”

xizmatlaridan foydalanish lozimligi alohida belgilab qo‘yilsin.

15. Majburiy ijro byurosi tuman bo‘limi (Q.Karimov) tuman davlat soliq inspeksiyasi (Sh.Meyliyev) bilan hamkorlikda soliqlar va boshqa majburiy to‘lovlar bo‘yicha mavjud soliq qarzdorliklarini budgetga undirish yuzasidan tegishli choralar ko‘rib borsin hamda choraklar yakuni bilan soliq qarzdorliklarining chorak boshiga nisbatan kamayib borishi bo‘yicha barcha kompleks chora-tadbirlar ko‘rib borishni ta’minlasin.

16. Tuman hokimi o‘rinbosari (B.Baxromov) hamda tegishli tashkilot rahbarlari bo‘sh turgan obyektlaridan samarali foydalanishni tashkil etish markazining Qashqadaryo viloyat hududiy boshqarmasi bilan birgalikda:

tumanda bo‘sh turgan davlat mulki obyektlarini aniqlash bo‘yicha xatlov ishlarini samarali tashkil etish;

xatlov natijalariga ko‘ra tumanda mavjud bo‘sh turgan davlat mulki obyektlari ro‘yxatini shakllantirish;

shakllantirilgan ro‘yxatga asosan bo‘sh turgan davlat mulki obyektlarini ijaraga berish yoki sotish bo‘yicha tegishli takliflar tayyorlash;

bo‘sh turgan davlat mulki obyektlarini ijaraga berish yoki sotish bo‘yicha ijtimoiy tarmoqlar va ommaviy axborot vositalarida roliklar va video-materiallar tayyorlash;

xususiy lashtirilishi mo‘ljallangan bo‘sh turgan davlat mulki obyektlarini «ye-ijro auksion» maydonchasi orqali sotish ishlarini tashkillashtirsin.

17. davlat aktivlarini boshqarish agentligi viloyat hududiy boshqarmasi bilan birgalikda tuman davlat soliq inspeksiyasi (Sh.Meyliyev), tuman hokimligi moliya bo‘limi (Sh.Eshmatov) davlat korxonalari hamda ustav kapitalida 50 foiz va undan ortiq davlat ulushi mavjud bo‘lgan yuridik shaxslar tomonidan 2023 yilning 1 iyuliga qadar 2022-yil yakunlari bo‘yicha o‘z sof foydasining 50 foizidan kam bo‘lmagan miqdoridagi ajratmalar va davlat ulushi bo‘yicha dividendlarni 2023 yilning 1 sentabridan kechiktirmay budgetga o‘tkazilishini ta’minlasin.

18. Tuman hokimligi Monopoliyaga qarshi ko‘rashish qo‘mitasi viloyat hududiy boshqarmasi (S.Sodiqov) bilan birgalikda tashqi reklama obyektlarini to‘liq xatlovdan o‘tkazgan holda, ushbu tashqi reklama obyektlari bo‘yicha shartnomalar tuzish choralarini ko‘rsin hamda ushbu shartnomalar bo‘yicha yig‘imlarni budgetga to‘lanishi ustidan doimiy nazorat o‘rnatsin.

19. Tuman irrigatsiya bo‘limi (N.Normurodov) va tuman davlat soliq inspeksiyasi (Sh.Meyliyev) tuman hokimligi bilan birgalikda tumanda sug‘orishga sarflanayotgan suv hajmlari bo‘yicha aniq hisob-kitoblar yuritgan holda mazkur iste’mol hajmlari bo‘yicha suv resurslaridan foydalanganlik uchun soliqlarni to‘liq hisoblanishini hamda moliya yili yakuniga qadar mahalliy budgetga to‘liq undirib olish choralarini ko‘rsin.

Bunda, qishoq xo‘jaligi korxonalari tomonidan iste’mol qilinayotgan suv resuslari hajmlari va ushbu hajmlar bo‘yicha hisoblanayotgan suv soliqlari bo‘yicha doimiy tahlillar o‘tkazishga alohida e’tibor qaratilsin.

20. Tuman ichki ishlari bo‘limi (D.Umarov), tuman yo‘l harakati xavfsizligi bo‘limi (N.Murodov), majburiy ijro byurosi tuman bo‘limi (Q.Karimov), davlat xizmatlari agentligi tuman bo‘limi (B.Sattarov) hisoblangan boj, jarima va yig‘imlarni o‘z vaqtida o‘rnatilgan tartibda budgetga undirish choralarini ko‘rib borsin.

21. Davlat moliyaviy nazorati viloyat boshqarmasi xalq ta’limi, maktabgacha ta’lim va sog‘liqni saqlash bosh boshqarmalarining ichki audit xizmatlari bilan birgalikda:

budget intizomiga qat’iy rionda etilishi ustidan doimiy monitoring ishlari kuchaytirish;

o‘tkazilgan nazorat tadbirlari yakuni bo‘yicha kamomad va noqonuniy o‘zlashtirishga yo‘l qo‘ygan soha rahbarlarining hisoboti xar chorakda eshitib borishni ta’minalash so‘ralsin.

22. Xalq deputatlari tuman Kengashining Mahalliy budget, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo‘yicha doimiy komissiyasiga:

mahalliy budgetning qo‘srimcha manbalaridan foydalananish to‘g‘risidagi hokimlik tomonidan taqdim etiladigan takliflarini belgilangan muddatlarda jamoatchilik muhokamasidan o‘tkazish va budget qonunchiligidagi to‘liq rionda etilgan holda Kengash qaror loyihasini ishlab chiqish;

Kengash qarori asosida mahalliy budgetning qo‘srimcha manbalarini hisobidan ajratilgan mablag‘larni samarali va maqsadli foydalaniishi ustidan nazorat o‘rnatish, tavsiyalar berish va monitoring qilish;

Mahalliy budget xarajatlarining qonunchilikda belgilangan qismining

jamoatchilik fikri asosida shakllantirilgan tadbirlarni moliyalashtirishga yo‘naltirilishida ishtirok etish va ushbu mablag‘larning maqsadli sarflanishi ustidan nazoratni amalga oshirish vazifasi topshirilsin.

23. Tuman hokimligiga:

tuman budgeti jami xarajatlarining 5 foizi hamda shakllangan qo‘shimcha mablag‘larining kamida 30 foizini jamoatchilik fikri asosida shakllantiriladigan tadbirlarni moliyalashtirish uchun “Fuqarolar tashabbusi jamg‘armasi”ga yo‘naltirishni;

bunda, xalq deputatlari tuman Kengashi, yoshlar ishlar agentligi, tuman hokimligi huzuridagi jamoatchilik Kengashlari hamda hokim yordamchilari budget jarayonida fuqarolarning faol ishtirokini ta’minlash maqsadida aholiga keng targ‘ibot-tashviqot ishlarini olib borishni tavsiya etish;

mahalliy budgetning qo‘shimcha manbalari hisobidan xarid qilingan tovarlar va xizmatlar, qurilish, rekonstruksiya qilish va ta’mirlash ishlari olib borilayotgan obyektlar ro‘yxati, shuningdek qurilish-ta’mirlash ishlarining moliyalashtirilishi to‘g‘risidagi ma’lumotlar har chorak yakunlariga ko‘ra, keyingi chorak birinchi oyining 10 sanasiga qadar majburiy tartibda hokimlikning rasmiy veb-saytiga joylashtirib borish topshirilsin.

24. Tuman hokiminining moliya – iqtisodiyot va kambag‘allikni qisqartirish masalalari bo‘yicha birinchi o‘rnbosari, iqtisodiy taraqqiyot va kambag‘allikni qisqartirish bo‘limi tuman hokimligi va tegishli tashkilotlar bilan birgalikda:

mahalliy budget daromad va xarajatlarining prognoz ko‘rsatkichlari bajarilishi hamda soliq bazasini kengaytirish yuzasidan ko‘rilgan chora-tadbirlar;

ajratilgan budget mablag‘laridan maqsadli va samarali foydalanishi yuzasidan erishilgan natijalar bo‘yicha xalq deputatlari tuman Kengashiga chorakda kamida bir marotaba hisobot kiritib borsin.

25. Mazkur qaror “Yakkabog‘ ovozi” gazetasida rasmiy e’lon qilinsin hamda tuman hokimligining rasmiy veb-saytiga joylashtirilsin.

26. Mazkur qaror e’lon qilinishi munosabati bilan xalq deputatlari Yakkabog‘ tuman Kengashining 2021-yil 30-dekabrdagi “Yakkabog‘ tumanining 2022-yilgi mahalliy budgetini tasdiqlash to‘g‘risida”gi VI-39-75-4-68-K/21-sonli qarori o‘z kuchini yo‘qotgan deb hisoblansin.

27. Ushbu qaror rasmiy e'lon qilingan kundan boshlab kuchga kiradi.

28. Mazkur qarorning bajarilishini nazorat qilish xalq deputatlari tuman Kengashining Mahalliy budjet, iqtisodiy islohotlarni amalga oshirish, investitsiyalar va tadbirdorlikni rivojlantirish masalalari bo'yicha doimiy komissiyasi (R.Omonov), tuman hokimining birinchi o'rindbosari (B.Islomov)lar zimmasiga yuklansin.

Yakkabog` tuman hokimi



L.J.ABDULLAYEV

Xalq deputatlari Yakkabog‘ tuman
Kengashining
2022 yil 30 dekabrdagi
VI-46-152-4-68-K/22-son qaroriga
1-ilova

**Yakkabog‘ tumanining 2023 yilga rivojlantirishning makroiqtisodiy ko‘rsatkichlari
prognoz ko‘rsatkichlari hamda 2024-2025 yilga mo‘ljallari**

№	Ko‘rsatkichlar	2023 yil uchun prognoz	Mo‘ljal	
			2024 yil	2025 yil
1	Sanoat mahsulotlarining o‘sish sur’ati, foizda	112.9	113.2	113.6
2	Qishloq, o‘rmon va baliq xo‘jaliklarida ishlab chiqarishning o‘sish sur’ati, foizda	102.1	102.3	102.5
3	Xizmat ko‘rsatish o‘sish sur’ati, foizda	112.5	113.2	114.1
4	Qurilish xajmini o‘sish sur’ati, foizda	105.3	108.2	109.6
5	Chakana tovar aylanmasining o‘sish sur’ati, foizda	106.9	108.3	110.2

Xalq deputatlari Yakkabog' tuman
Kengashining
2022 yil 30 dekabrdagi
VI-46-152-4-68-K/22-son qaroriga
2-ilova

**Yakkabog' tuman mahalliy budjeti daromadlarining
2023 yildagi asosiy prognoz ko'rsatkichlari**

ming so'mda

T/R	Daromad turlari	Jami
1	Yuridik shaxslardan olinadigan foyda solig'i	
2	Aylanmadan olinadigan soliq	9 000 000.0
3	Jismoniy shaxslardan olinadigan daromad solig'i	69 000 000.0
4	Qo'shilgan qiymat solig'i	
5	Tadbirkorlik faoliyatining ayrim turlari bo'yicha qat'iy belgilangan soliq	1 600 000.0
6	Aksiz solig'i, jami	18 500 000.0
	- benzin, dizel yoqilg'isi va gaz realizatsiyasidan soliq	18 500 000.0
7	Yuridik shaxslarning mol-mulkiga solinadigan soliq	5 500 000.0
8	Jismoniy shaxslarning mol-mulkiga solinadigan soliq	6 600 000.0
9	Yuridik shaxslar yer solig'i	13 800 000.0
10	Jismoniy shaxslardan olinadigan yer solig'i	12 800 000.0
11	Yer qa'ridan foydalanganlik uchun soliq (noruda materiallari)	2 300 000.0
12	Suv resurslaridan foydalanganlik uchun soliq	2 600 000.0
13	Davlat boji	
14	Jarimalar	
15	Ijara to'lovi	300 000.0
16	Davlat tashkilotlarining sof foydasidan daromad	
17	Yig'imlar	4 000 000.0
18	Xususiylashtirish	
19	Boshqalar	
JAMI		146 000 000.0
17	Mobil aloqa xizmati va alkogol mahsulotlari, shu jumladan pivo uchun aksiz solig'i tushumlaridan tegishli ravishda o'tkazib beriladigan daromad	
-	Alkogol mahsulotlari, shu jumladan pivo	
-	Mobil aloqa xizmati	
-	Tamaki mahsulotlari	
19	Tartibga soluvchi budjetlararo transfertlar	160 310 345.0
HAMMASI		306 310 345.0

Xalq deputatlari Yakkabog' tuman
Kengashining
2022 yil 30 dekabrdagi
VI-46-152-4-68-K/22-son qaroriga
3-ilova

**2023 yil uchun Yakkabog' tuman mahalliy budjeti mablag'larini taqsimlovchilarga ajratiladigan
mablag'larning cheklangan miqdorlari**
Xalq deputatlari
Yakkabog' tuman Kengashining
2022 yil «___» dekabrdagi
___-sonli qaroriga
3-ilova

ming so 'mda

Nº	Ko'rsatkichlar	miqdori
Xarajatlar miqdori, Jami		306 310 345.0
	<i>shu jumladan:</i>	
	joriy xarajatlar	306 310 345.0
	obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
	Advokatlik xizmatiga haq to'lash uchun ajratilgan mablag'lar	
	Tuman va shaxar mahalliy budjetlariga transfertlar	
1.	Maktabgacha ta'lim bo'limi	15 008 000.0
	<i>shu jumladan:</i>	
	joriy xarajatlar	15 008 000.0
	obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
2.	Xalq ta'limi bo'limi	11 626 000.0
	<i>shu jumladan:</i>	
	joriy xarajatlar	11 626 000.0
	obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
3.	Sog'lijni saqlash bo'limi	104 289 960.0
	<i>shu jumladan:</i>	
	joriy xarajatlar	104 289 960.0
	obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
4.	Madaniyat bo'limi	1 605 000.0
	<i>shu jumladan:</i>	
	joriy xarajatlar	1 605 000.0
	obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
5.	Sport bo'limi	4 222 780.0
	<i>shu jumladan:</i>	
	joriy xarajatlar	4 222 780.0

	obyektlarni loyihalashtirish, qurish (rekonstruksiya qilish) va jihozlash uchun kapital qo‘yilmalar	
6.	Bolali oilalarga va kam ta’minlangan oilalarga nafaqalar va kompensatsiyalar	108 925 339.0
	<i>shu jumladan:</i>	
	joriy xarajatlar	108 925 339.0
	obyektlarni loyihalashtirish, qurish (rekonstruksiya qilish) va jihozlash uchun kapital qo‘yilmalar	
7.	Obodonlashtirish boshqarmasi	16 024 599.0
	<i>shu jumladan:</i>	
	joriy xarajatlar	16 024 599.0
	obyektlarni loyihalashtirish, qurish (rekonstruksiya qilish) va jihozlash uchun kapital qo‘yilmalar	
8.	Fermerlar buxgaltenriyasini saqlash xarajatlari	1 089 511.0
	<i>shu jumladan:</i>	
	joriy xarajatlar	1 089 511.0
	obyektlarni loyihalashtirish, qurish (rekonstruksiya qilish) va jihozlash uchun kapital qo‘yilmalar	
9.	Irrigatsiya bo‘limi	2 040 210.0
	<i>shu jumladan:</i>	
	joriy xarajatlar	2 040 210.0
	obyektlarni loyihalashtirish, qurish (rekonstruksiya qilish) va jihozlash uchun kapital qo‘yilmalar	
10.	Ichki xo‘jalik avtomobil yo’llarni ta’mirlash xarajatlari	3 000 000.0
	<i>shu jumladan:</i>	
	joriy xarajatlar	3 000 000.0
	obyektlarni loyihalashtirish, qurish (rekonstruksiya qilish) va jihozlash uchun kapital qo‘yilmalar	
11.	Veterinariya va chorvachilikni rivojlantirish bo‘limi	1 667 104.0
	<i>shu jumladan:</i>	
	joriy xarajatlar	1 667 104.0
	obyektlarni loyihalashtirish, qurish (rekonstruksiya qilish) va jihozlash uchun kapital qo‘yilmalar	
12.	Davlat boshqaruв organlarini saqlash	13 061 165.0
	<i>shu jumladan:</i>	
	joriy xarajatlar	13 061 165.0
	obyektlarni loyihalashtirish, qurish (rekonstruksiya qilish) va jihozlash uchun kapital qo‘yilmalar	
13.	Maxalla va nuroniylarni qo‘llab-quvvatlash bo‘lmi	4 329 868.0
	<i>shu jumladan:</i>	
	joriy xarajatlar	4 329 868.0
	obyektlarni loyihalashtirish, qurish (rekonstruksiya qilish) va jihozlash uchun kapital qo‘yilmalar	
14.	Tuman hokimligining zaxira jamg‘armasi	2 889 835.0
	<i>shu jumladan:</i>	
	joriy xarajatlar	2 889 835.0
	obyektlarni loyihalashtirish, qurish (rekonstruksiya qilish) va jihozlash uchun kapital qo‘yilmalar	
15.	Ijtimoiy ko‘nikma markazi	73 084.0

	<i>shu jumladan:</i>	
	joriy xarajatlar	73 084.0
	obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
16.	Hokim yordamchilarining tavsiyalari asosida mahalla infratuzilmasini yaxshilash xarajatlariga	2 020 890.0
	<i>shu jumladan:</i>	
	joriy xarajatlar	2 020 890.0
	obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
17.	Fuqarolar tashabbusi jamg'armasiga yo'naltiriladigan mablag'lar	14 437 000.0
	<i>shu jumladan:</i>	
	joriy xarajatlar	14 437 000.0
	obyektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	

Xalq deputatlari Yakkabog' tuman
Kengashining
2022 yil 30 dekabrdagi
VI-46-152-4-68-K/22-son qaroriga
4-ilova

Umum davlat soliqlaridan tuman mahalliy budjetiga 2023 yildagi ajratmalari meyorlari

foiz hisobida

T/R	Shaxar va tumanlar nomi	Yuridik shaxslardan olinadigan foyda solig'i	Aylanmadan olinadigan soliq	Jismoniy shaxslardan olinadigan daromad solig'i	Yakka tartibdagi tadbirdorlar uchun jismoniy shaxslardan olinadigan daromad solig'i	Yakuniy iste'molchilarga benzin, dizel yoqiq'isi va gaz realizatsiya qilihdagi aksiz solig'i	Yuridik shaxslarning mol-mulkiga solinadigan soliq	Jismoniy shaxslarning mol-mulkiga solinadigan soliq	Yuridik shaxslar yer solig'i	Jismoniy shaxslardan olinadigan yer solig'i
I	Yakkabog' tumani	0	100	100	100	100	100	100	100	100

T/R	Shaxar va tumanlar nomi	Yer qa'ridan foydalanganlik uchun soliq (noruda materiallari)	Suv resurslaridan foydalanganlik uchun soliq	Davlat boji	Jarimalar	Yig'imlar	Davlat unitar korxonalarining so'f foydasidan ajratma	Davlat mulki bo'yicha ijara to'lovlar	Xususiy lash-tirish	Boshqalar
I	Yakkabog' tumani	100	100	0	0	100	100	100	0	0

Xalq deputatlari Yakkabog‘ tuman
Kengashining
2022 yil 30 dekabrdagi
VI-46-152-4-68-K/22-son qaroriga
5-ilova

**Yakkabog‘ tuman mahalliy budgetining
2023 yil daromadlari va xarajatlariing chegaraviy hajmi**

ming so ‘mda

Budjetlar nomi	Daromad *	Xarajat
Yakkabog‘ tumani	146 000 000.0	306 310 345.0

* mobil aloqa xizmatlari uchun, alkogol maxsulotlari, shu jumladan pivo va tamaki mahsulotlari uchun aksiz solig‘idan tushumlar bo‘yicha o‘tkazib beriladigan daromadlar bilan birgalikda.

Xalq deputatlari Yakkabog‘ tuman
Kengashining
2022 yil 30 dekabrdagi
VI-46-152-4-68-K/22-son qaroriga
6-ilova

**Yakkabog‘ tuman mahalliy budgetiga 2023 yilda yuqori budgetdan ajratiladigan
tartibga soluvchi budgetlararo transfertlar miqdorlari**

<i>ming so ‘mda</i>	
Shahar va tumanlar	Tartibga soluvchi transfert miqdori
Yakkabog‘ tumani	160 310 345.0

Xalq deputatlari Yakkabog‘ tuman
Kengashining
2022 yil 30 dekabrdagi
VI-46-152-4-68-K/22-son qaroriga
7-ilova

**Yakkabog‘ tuman mahalliy budjetida 2023 yilda yo‘l
qo‘yiladigan eng kam mablag‘lar miqdori**

ming so‘mda

T/r	Hudud nomi	Miqdor
1	Yakkabog‘ tumani	1 101 394.0